



Bihar CM-i electricity unit 125
angati agütsütsü nangzük

Dr. T. Ao Trophy atema
partnership asoshi jaoker **DR.T.AO TROPHY**

A.K. Mishra-i Chümoukedima nung NNPGs den senden amen

Dimapur, Chiteni/July 17 (TYO): Naga political tebilemtsü nung teti asoshi tangatettep kati arutsü atema inyaksü mechi Government of India tenüng nung Naga yimten ken o jembir A.K. Mishra-i tanü Police Complex,

Chümoukedima nung Naga Political Groups (NPGs) tem den senden ka mena liasü.

N Kitovi Zhimomi-i aniba NNPGs telok ka aser Neokpao Konyak aser Alezo Venuh nati aniba telok den Mishra-i joint meeting ya Brehostibarnü amen.

Mishra ya NSCN (K) Niki telok dena ajuruteptsü liasü.

Iba senden amenba sülen osangbener den jembidang, onoki solution tekeraba nung aginer aser külemi tejakleni mera aotsü, ta Working Committee, NNPGs indang Convener N Kitovi Zhimomi-i ashi.

"Onok tejakleni aoba nung tesüiba maparen ajanga manendaksütsü telemtetba agiogo," ta pai ashi.

Isak Sumi, Co-Convenor, Working Committee, NNPGs ajanga ashiba agi, Naga nunger telok ajak mulungtepa tangatettep kati arutsü aser

District Hospital Dimapur li agia aliba ki bendoktsü

Dimapur, Chiteni/July 17 (TYO): Brehostibarnep Dimapur district administration den Dobashis aser police personnel temi yaritepa Dimapur District Hospital compound nung ozüing alema agir aliba ali tanaben agitsü asoshi evection drive agia liasü.

Iba drive mapang mozüki indang staff quarters jakdang dokan ama temelaba makai yanglua aliba ki ana raksatsü.

Mozüki indang ali ozüing alema agia aruba indang District Hospital Dimapur ajanga 2024 küm ken o benokba nung ajemdaker iba mera ya agi, ta Deputy Commissioner, Dimapur, Dr. Tinojongshi Chang-i metetdaksü.

Ano ozüing alema ali agiba ken o Health department ajanga jangjateta administration nem metetdaksüra district administration-i nungdakba mera agitsü, ta pai ashi.

külemi solution atema aotsü nüngdaker.

Ibai ka kuma lungjemba inyakyim ka lir ta pai ashi.

Ibai NNPGs atema kisüing masü saka Naga political groups ajunga asoshi lir. Stakeholders ajunga lungjemsüla aser külemi mapa kuma inyaksü sentong yanglutsüla, ta Isak-i ashi.

Government of India aser NNPGs tem joint meeting indang asüingdangba mapang, status quo lir aser kecha sapang balaka atema masü, ta Isak-i langzüi.

Paisa entity ka ama telok ajak entity balala langpang ka nung ajurutepa amener, ta paisa ashi. Taruba senden indang asüingdangba mapang Isak Sumi-i anogo lateta mali saka tekeraba nung amentsü nüngdaker, ta ashi.

Nagaland-i July 16, 2025 nü aruba sülen Mishra-i yashi NSCN (I-M) lenirtem den ajurutepogo ta ashir.

Jashia aliba ali kibur temi NH-29 mokdang



Kohima, Chiteni/July 17 (TYO): Kohima-Jessami 2 Lane Road Construction (Packages 2, 3, 4 & 5) ajanga kongshir jashia aliba ali kibur temi July 17, 2025 nü National Highway 29 mokdangba lendong timtem majurui süyio.

Iba lenmang mokdangba ya anepdang 6:00 ako nung tenzük aser Deputy Commissioner, Phek ajanga anepdang 10:30 ako nung DC Phek indang Conference Hall nung senden

stakeholders den senden amenba nungi telemtetba ataa ali kibur temi maneni mokdangtsü.

Ali kibur temi damage compensations magütsü aliba meshiba nung ajang-ajanga nokdaka lir, aser yangji rangloker iba yimjung nung longkak aitba ya ayongzük.

Senden amentsü aliba nung telemtetba agiba aser compensation ken o mebenteti aliba bentettsü asoshi teinyaksü züngzüktepba nung ajemdaker iba mokdang ya

maneni agitsü mesüra anentsü.

Ali kibur temi nüburtem dang parnok timtemba angatettsü ayongzük aser senzusemponger tem dang National Highway 29 mokdangba ajanga timtem majurutsü mechi lenmang danga amshitsü ayongzüka liasü.

Ali kibur temi iba lenmang mokdangba nung rongrongshirong madokba asoshi pelaba lemsatep aser ketdangsürtem den jembishinüa iba ken o bentettsü ta ashi.

Higher Education sangdong nung CTAN & NNQF temulung masür



Kohima, Chiteni/July 17 (TYO): Tawa Department of Higher Education ajanga sangdong balala agütsüba, talisa Assistant Professor tem inyakba tesem melenshitsuiba aser post creation asoshi metetdaksüba tebilemtsü Combined Technical Aspirants of Nagaland (CTAN) aser Nagaland Net Qualified Forum (NNQF) ajanga lemsatepa liasü.

Brehostibarnü Kohima Press Club nung telok ana ya lungjemer osangbener senden ka ayongzükba nung, NNQF züngsem Videkhono Yhokha-i Department nungi shiti ka anguba indang rateta ashi, kong Assistant Professor post 34 repositioned asüba densema tongtipang onüktem metetdakja liasü saka subject-wiser telemsa indang temai madoktsü aser taoba mapang backdoor appointment ajanga shima aliba

assistant professor post 147 ya 'null and void' ta sangdongaka parnok jenjang jangjashija mali, ta ashi.

Post tasen 159 create asübabo shia lir, saka subject allocation mesüra reservation nung shidak inyaka mali ta lai ashi.

Item posts 34 ya ajunga tasen asü mesüra temelen ar mejangja aser telok anati department den senden amentsü aiben asündangaka magizük, ta Yhokha-i ashi.

CTAN züngsem Kaqhetu Kughutu-i ashiba agi, RTI file asüba ajanga 2023 küm category pezü nung posts 159 atema clearance agütsüba temai adok - Arts & Commerce nung posts 31, Science nung 69 aser New Colleges nung 18 (taoba mapang agütsüba RTI nungbo 11 dang shia lir).

Tang tesüsa July 2 nü Manpower Rationalisation

Committee nem proposal agütsüba ya taoba mapang yanglua aliba sülen anidaka inyak asü masü ta pai asüingdang.

Item posts ya Nagaland Public Service Commission (NPSC) dangi yoktsü khanga July 9 nü CTAN ajanga tezüluba agütsüba indang CTAN Convenor Meshenlo Kath-i ashi.

Iba tezüluba nung langzüa department-i NPSC dangi post 34 yokogo aser 129 tang 'under process' nung lir ta ashi.

Kath-i High-Powered Committee on Rationalisation (HPCR) dang tekeraba nung agizüka tanüingba posts 129 ya memonui NPSC dangi yoktsü ajungshi aser jembishinütsü memulungi liaka CTAN aser NNQF ajanga maneni ochi akhangtsü, ta metetdaksü.

"Parnoki onok den amentsü memulung yonga, onok ola madoki alitsü ta ashir masü," ta

pai ashi.

NPSC dangi posts 34 yokba atema pelar, saka tanüingba ken o mebentetra tarutsü nung ano longkak aittsü, ta CTAN aser NNQF ajanga ashi.

Assistant professor posts 159 den subject-wise details aser reservation structure yimjak nung sayutsüla. Onoki sorkar dang tashiyim amshia inyakdaksür masü, ochi asoshi academic tsütsü tebilemtsü lemsateper, ta ashi.

Assistant professor posts 147 regular kumtsüba meyiba agiang ta CTAN aser NNQF ajanga April 25 nungi akhang tenzük aser parnoki ajungshiba agizüka aser Naga Students' Federation (NSF) ajanga April 30 nü Department of Higher Education indang office shibangtsüba sülen state cabinet-i taoba mapang totuyuba agüja aliba meyipa agitsü telemtetba agi.

Ano tawa State Forest Department ajanga recruitment drive agiba nung kongshia, kechiba Forest Guard, Excise aser Police amala post ya Nagaland Service Selection Board ajanga magir, ta Kath-i ashi.

"Onoki departmental exams nung tamang makar," ta pai ashi.

Tang Forest Guard post 11 tazüing lir aser ano December tashinung tali azüingtsü, anungji item vacancy tem ya tang recruitment list nung inoksemtsüla, ta Kath-i ashi.

NDPP Youth Organization aser Nagaland Minerals & Mines na senteper "free medical camp" katsür



Mokokchung, 17th July (TYO): Temulungjang aser teret dak sentakba tashitak balala atema angati temang reprangba sentong ka 17th July, 2025 nungi tenzüka 27th Mokokchung Town Assembly Constituency NDPP Youth Organization aser Nagaland Minerals & Mines CSR ajanga ayongzüka katsüdaki.

Iba free camp ya 27th Mokokchung Town A/C pur asoshi lir aser par constituency nung ya ward 5 lir, item ward-tem nung ya tantsür-tambur temang nung timtem agi tonger aika lir, aser tangaleni treatment-i moutetertema aika lir, anungji, tang atema temulungjang aser teret (bone mineral density & ECG) dak sentakba nung iba camp ya akar aser yasür ano tanga tashitak indang camp akatsü tebilemba lir, ta 27 Mokokchung Town A/C NDPP Youth Organization, Vice President, Tinubai osangbener den jembidang metetdaksü.

Iba camp nung Guwahati aser Dimapur nungi teret aser

temulungjang indang mozü shiteter (doctor-tem) aser temang reprangba kol tajung den mozü tapu balala teperi bener arua treatment den mozü angati lema agütsüdar. Tanep Kichutip ward nung nisung 130 dak tali reprangogo aser Salangtem ward nunga parnok 140 tema reprangogo, ta paisa ashi.

Tanü ward ana nungji leni maortema kar tsüngdong oa anir arua temang reprangdakja liasü. Osang tajung kaji iba camp nung tashitak tuluba puteta treatment agitsüsa kümra, iba nungjia yariteptsü mulunga lir, ta tayongertemisa metetdaksü.

'27th Mokokchung A/C nüburtemi moa lenir tajung alibayong nüburtem asoshi terenlok maparen jenti inyaka arudar, anungji, ozü lenir RD & SIRD Minister, Metsübo Jamir aser par kibong dang kanga pelar', ta 27th Mokokchung Town NDPP Youth Organization ketdangsürtemisa metetdaksü.

Kasa sentong ya 18th July,

2025 anepdang 7:00 ako nungi anüngdang 12:00 ako tashi Aongza Ki, Aongza Ward nung aser nikong 1:00 ako nungi tenzüka Kumlong Ward pur atema RTO Basement nung ayonga lir. 19th July, 2025 nü Mongsenbai ward pur atema Mongsenbai yim kidang akatsü sentong renema lir.

Tanep iba 'free medical camp' tenzüka sentong Arok Salang, Kichutip Ward, Mokokchung nung agi. Iba camp nung 27th Mokokchung Town A/C NDPP tir - C. Tia Longkumer, 27 Mokokchung Town A/C NDPP Youth Organization President - Imliyanger, 27 Mokokchung Town A/C NDPP Youth Organization Gen. Secretary - Temsuwati Pongen, Kichutip Ward Chairman - Imkongyanger parnoki shilem balala agia tepela o den tayongzüka o balala bener arua lemsatep. Mokokchung Town Baptist Arogo Pastor, Bendang Jamir-i iba sentong moaja sarasademtsü.

Mangkolemba nung Watsu-i yi nokdangba mapa inyak



Dimapur, Chiteni/July 17 (TYO): Watsu Unit Mangkolemba ajanga district administration aser police den lungjemer NLTP Act mapa kuma amshiba nung shilem ka ama Mangkolemba jila nung ajunghena yi ayokba dokan aser hotels tem July 16, 2025 nü meita ao.

Iba mapang businesses aika

nung Nagaland Liquor Total Prohibition (NLTP) Act nung aibelena yi ayokba ngutet. Iba mapang parnoki sen 40,000 jenjang yi pua raksa indoktsü.

Iba sülen ketdangsür temi aibelener dang tanaben aibelenra dokan shibangtsütsü aser license agientsütsü tekumdangtsü metetdaksü.

Mangkolemba jila ya Assam

anasa lir asünung yi mela-mela angur aser talubosa ayongba aser ajemba ajanga Mangkolemba jila nung alirtem dak kongshir.

District administration ajanga iba ama tebilemstü azüoktsü merangba nung Watsu-i shilem tulu agia lokti menentsüba azüoka yimjung temaba jenjangi ajungkettsü meranger.

DoHE ajanga hostel forms agütsütsü

Dimapur, Chiteni/July 17 (TYO): Directorate of Higher Education kübok register süa aliba hostel tem indang kibur/warden tem dang Post Matric Students indang hostellers atema hostel forms ya July 21 nungi August 14, 2025 tashi agütsütsü ta department sangdong ka ajanga ashi.

Directorate ajangasa hostel tasen/yanglushir aliba repranga orr temulung süa alir nem Hostel Eligibility Certificate (HEC) agütsütsü.

Hostel proprietors/wardens temi Hostel Eligibility Certificate original copy, hostel form meshiba mapang hostellers zünga aliba kaket reju nungi 'No Objection Certificate' bener arutsüla.

NOC format ya website <https://highereducation.nagaland.gov.in> nungi download sütettsü. Iba den hostel admission register nung kaketshir tenüng aser passport maloker bener arutsüla, ta department sangdong ajangasa ashi.

SIRD nung PAI 2.0 Version & Thematic GPDP workshop tenzükogo

Kohima, Chiteni/July 17 (TYO): July 17, 2025 nü SIRD, Kohima nung anogo ananü 'PAI 2.0 Version & Thematic GPDP' SIRD State Level Workshop tenzükogo; iba ya MoPR & NIC, New Delhi den senteper ayongzüük.

Tetenzük sentong nung okila jembidang Commissioner & Secretary, RD & SIRD, Thavaseelan K, IAS-i, Thematic Gram Panchayat Development Plan (GPDP) mapatong inyaksüji kanga tongtibang ta shia state tesem ajaklen Panchayat Advancement Index (PAI) Version 2.0 tenzüksü.

Paisa, item mapatong benokba ajanga Local Sustainable Development Goals (LSDGs) den liromedema yimtsüngtem nung terenlok alitsü, ta ashi.

Paisa maparen teladak asütsü aser senotsü timi ketdangsütsü atema eGram Swaraj Portal amshitsü ajungshi.

Director SIRD, Vesato-i lokti pelaa agizükba o jembi aser Project Manager NIC, New Delhi, Yogesh Kumar-i iba course indang tongmelang agi metetdaksü. Mezüng anogo workshop nung SPMU, DPMU, RD aser SIRD nungi ketdangsertem aden.

Dimapur DPDB senden July 21 nü amentsü

Dimapur, Chiteni/July 17 (TYO): Dimapur indang District Planning and Development Board (DPDB) senden July 2025 atema Deputy Commissioner, Dimapur indang Conference Hall nung July 21, 2025 anepdang 11:00 ako nungi tenzüka amentsü, ta sangdong ka ajanga ashi.

Iba senden nung züngsem ajak medema arua adentsü sangdong nungsa ayongzüükogo.

The White Owl-i website tasen sayaogo

Dimapur, Chiteni/July 17 (TYO): The White Owl ajanga website tasen www.thewhiteowl.in sayaogo, kong Nagaland nungi kaket aika züngtettsüsa sapang balaka agütsütsü.

Ibai The White Owl ajanga Naga nunger ola, yimsü-yimbong aser kenshi-oshi alima nung kaket azünger den lemsateptsü merangba tongtipang mera ka lir.

"Iba sapang semzüka ya bookstore ulushiba dang nungi tali lir. Iba yagi Nagaland indang literary landscape melenshiba aser otsü tem asoshi portal ka lapoktsür," ta The White Owl director Viketuno Rio-i ashi.

Iba website nungya Naga nungeri züluba tar nunger otsü, puti otsü, tanurtem indang kaket, academic mapa aser contemporary literature densema kaket tabu balala agütsü.

Iba sapang nungi indang-indanga kaket alitetsü asoshi India telungzüük aser international jenjang nung shipping lir.

Osang tali tejangjaba metettsü asoshi The White Owl indang email: contact@thewhiteowl.in, Phone number +919233192551 aser website: www.thewhiteowl.in nung tongteprateptsü akok.

Mokokchung nung BLOs training agi

Dimapur, Chiteni/July 17 (TYO): Deputy Commissioner, Mokokchung indang Conference Hall nung July 17, 2025 nü National Level Training Programme for Booth Level Officer (BLO) agia liasü.

Iba training agirtem dang 'Special Intensive Revision Overview of SIR, Verification Duties & Focus Area, Using of BLO App, Demonstration of

Login, Data Entry and Submitting Report, How to correctly fill Forms and Evaluation' amala sayua liasü.

ADC & ERO, Mokokchung, Atsüngba Walling ajanga pela agizükba o jembidang ERO aser BLOs teinyaktsütem rateta ashi. Iba training nung 23AC nungi 28AC nungi AEROs aser Booth Level Officers (BLOs) dena liasü.

SCO Summit atema Modi-i China semdangtsü

New Delhi, Chiteni/July 17 (Agencies): Tang India aser China na tsünga tesendaktep tera tajungba akümba mapang nung linük anaprongla nungi tongti ketdangsertemi linüktem semdangtepa tongtibang onük aika nung o lemtepdar.

Taruba ita aser September ita nung China nung ayongzüka Shanghai Cooperation Organisation (SCO) Summit nung adentsü atema Ato kilonser, Narendra Modi China-i aotsüa akok. Iba senden ya

Tianjin nung agitsü.

Modi-i August 31 nungi September 1 tashi China semdangtsü, aser ibaji tesüiba küm pongu tsünga tang mezünga pai China semdangter asütsü.

Tan hopta tetenzüklen External Affairs Minister, Dr S Jaishankar-i Singapore aser China semdanga liasü. China yimtiba, Beijing nung Jaishankar-i China Tir Jinping aser Foreign Minister Wang Yi na ajurua senden menogo.

August ita tatembanglen Modi-i Japan aser China naprongla semdangtsü aser China nung ayongzüka SCO Summit nunga shilem agia adentsü.

SCO senden mapang nungji Ato kilonser Modi aser China Tir Xi Jinping nata ajurutepa jurila senden amentsüa akok. Modi aser Xi na tesüabuba senden amenbaji yaküm October ita nung Russia nung BRICS summit mapang liasü.



Odisha kübok Balasore nung college azünger ka la sasa rongseta asüba anema July 17, 2025 nü opposition party aikati longkak aitba mapang Congress nung inyaktertemi railway lenmang ka nokdangter longkak aitba noksa nung angur.

India linük nung yimti temerüktibaji maneni Indore yimti lir

New Delhi, July 17 (Agencies): India nung yimti temerüktibaji Indore lir, ta sangdonga Indore nem Swachh Survekshan awards agütsüogo; taküm agi küm tibuba Indore ya India nung yimti temerüktiba lir.

2024-25 kümsük atema Swachh Survekshan awards Brihostibarnü sangdonga linük Tir, Droupadi Murmu-i sempet lema agütsü.

Union Ministry of Housing and Urban Affairs (MHUA)-i ashiba agi, nütsüng million 1 dak tali aliba yimtitem category

nung yimti temerüktibaji Indore lir, iba sülen tanabuba aser tasembuba jenjangji Surat aser Navi Mumbai nati angu.

Ano taküm category tasen kaji "Super Swachh League Cities" liasü, aser iba sempetji Indore-isa angu.

Swachh Survekshan awards ya Union Ministry of Housing and Urban Affairs-i 2016 küm nungi ayongzüka agir. 2016 küm mezünga item awards atema yimti 73 dang asadanga liasü.

Taküm 9buba Swachh Survekshan nungbo yimti 4,500

asadanga liasü. Iba tasadangba ya 'Reduce, Reuse, Recycle' omen nung ajemdaker lenla 10 nung asadang.

Ano nütsüng lakh 3 nungi lakh 10 tashi aliba yimtitem rongnung yimti temerüktibaji Noida liasü.

Brihostibarnü award agütsüba sentong nungji Union Housing & Urban Affairs Minister Manohar Lal Khattar den tongti ketdangsertem aika aden. Iba survey ya ketdangser 3,000-i agia liasü aser sabang balala ajanga senso crore 14-i shilem agia liasü.

Bihar CM-i electricity unit 125 angati agütsütsü nangzük

Patna, July 17 (Agencies): Taküm November ita nung Bihar nung assembly election agitsü lia Brihostibarnü Bihar Chief Minister, Nitish Kumar-i, Bihar nung kibong shia nem ita shia electricity unit 125 bo angati agütsütsü, ta nangzük.

Brihostibarnep pai X ajanga, "Onoki tetenzük nungi ajak nem electricity jenjang dalang agi agüja arudar. August 1, 2025 nungi tenzüka, tetezü July ita bill densema tang nungi state nung electric atsükertem ajak asoshi unit 125 tashibo angati asütsü.

Iba ya ajanga state nung kibong crore 1.67 tajangzük angutsü," ta metetdaksü.

Paisa, "Taruba küm asem tsünga domestic consumers den bangjema kilem kolaktem mesüra anasa aliba kiojentem nung solar power plants amenoktsütsü, aser ibaji ajanga nüburtem tajangzük angutsü. Kutir Jyoti scheme kübok kanga sensakertem atema state sorkari solar power plants angati amenoktsütsü aser tanünga kibongtem nem-a sorkari teyari agütsütsü," ta metetdaksü.

"Ibaji ajanga küm asem tsünga state nung solar energy 10,000 megawatts tashi angutsü," ta paisa metetdaksü.

July 13 nüa Kumar-i taruba küm pongu tsünga lanur crore 1 nem sorkar mapa den mapa maongka balala agütsütsü, ta nangzüka liasü.

Taoba ita nunga pai Social Security Scheme kübok tantsür-tamburtem, matamabensartem aser amitsürtem nem ita shia pension sen 400 agüja aliba nungi sen 1100 kümtsüogo.



July 17, 2025 nü New Delhi nung External Affairs Minister, S. Jaishankar-i Vatican Secretary for Relations & States and International Organisations, Archbishop Paul Richard Gallagher den senden amenba lia tangokba noksa nung angur.



NAGA BAZAR BRANCH
Razhu Point, Main Road, Kohima, Nagaland- 797001
Email: vjkohi@bankofbaroda.co.in

ABRIDGED VEHICLE E-AUCTION NOTICE

Sangdonger Public aser talisa sen apur (tem) aser Guarantor (tem) dang ya sangdonger, Hypothecation/Loan Agreement nung aliba tashi amshia tsünglanglen shia aliba account/s nungi sentsüh alangzüksü atema Bank-i tsünglanglen shia aliba Hypothecated Motor Vehicles agiadokogoo aser garitemji "Kong aliar yamaji", "Koma ladir yamaji" aser "Yangji aliba ajak" basis nung ayoktsü. Sen apur/tem / Guarantor/tem / Garitem/Sentsüh ajak / Reserve Price / e-Auction anogo & mapang, EMD aser Bid Increase Amount tsünglanglen metetdaksür:-

Sr No.	Name & address of the Borrower	Total Dues (in Lakhs)	Vehicle Make & Model Registration No.	Date & Time of e-Auction	1. Reserve Price 2. Earnest Money Deposit (EMD) 3. Bid Increase Amount	EMD deposit Account No. & IFSC Code Name of the Branch	Inspection Date & Time
1.	AVIK CHAKRABORTY, KOHIMA	7.36	Make: MARUTI SUZUKI LTD. Model: WAGON R VXi Regd.No.: NL01CA4222	20.08.2025 Time: 12 pm to 4 pm	1. Rs. 2,87,000/- 2. Rs. 28,700/- 3. Rs. 10,000/-	A/c No.: 65560015181219 IFSC: BARB0VJKOHI	18.08.2025 Time: 10 am to 4 pm

Iba sale atema telatetbatem osang tejangga metettsü atema agüja aliba website link <https://baanknet.com> nung repringang. Bid asütsü tejangrartemi Branch Head den Mobile No.: 84720 09146 ajanga tongteprateptsü akok.
Date: 17.07.2025, Place: Kohima
Authorised Officer, Bank of Baroda

GOVERNMENT OF NAGALAND DIRECTORATE OF HIGHER EDUCATION

NAGALAND: KOHIMA

Website: www.highereducation.nagaland.gov.in

Email: dirhighedu@gmail.com

NO.HED/HOST/1/2016

Dated: Kohima, the 16th July 2025

NOTIFICATION

This is to inform all the proprietors/wardens of the hostels registered under the Directorate of Higher Education that the hostel forms for hostellers of Post Matric Students will be issued from this Office w.e.f. **21st July - 14th August 2025.**

The Directorate shall also issue the Hostel Eligibility Certificate (HEC) to the newly established/renewed hostels that were inspected and found to be satisfactory.

The hostel proprietors/wardens are required to bring:

1. Original copy of Hostel Eligibility Certificate.
2. 'No Objection Certificate' from the Institutions where the hostellers are studying at the time of collecting hostel forms. NOC format can be downloaded from the given website <https://www.highereducation.nagaland.gov.in>.
3. Hostel admission's register with recent passport pasted against the name of the students.

Sd/-
(V. LOVITOLY SEMA), NCS
Ex-Officio Director
Higher Education
Nagaland: Kohima

AGARWOOD ALU AYIMERTEM ATEMA OSANG TAJUNG!

PROVE-N1 SUNGYA SUNGDOG NUNG ENOKBA AJANGA MOZU ADOKDAKTSUR!



- Iba PROVE-N1 Mesen ir aliba aser maliba sungdong ajak nung enoktsu akok.
- Mesen maiba sungdong telepdok, Prove-N1 mozu enokang.
- PROVE-N1 mozu asen lima nung ayoker.
- PROVE-N1 ya India linuk Assam, Agartala, Maharashtra, Kerala, Tamilnadu, Nagaland aser tanga linuktem Malaysia, Vietnam, Sri Lanka, Phillipines, Indonsia, Papua New Guinea nung kanga sapua amshir.

Alia tongteprateptsu nungdakra:

1. Lentimen Shop Meralenden Moayimti village Junction
Mobile No - 9365137677
2. Fashion Cave, Tuli TownTuliyong Ward - Bazar Junction
Mobile No - 8837238996
3. Flipside, Kuda Village Near SBI ATM, Dimapur
Mobile No - 7005806114
E-Mail - flipsidenagaland@gmail.com



TIR YIMYIM YIMOBILEM (EDITORIAL)

DIMAPUR

ROGONÜ

CHITENI 18, 2025

Pa kechi inyaker ?

Aginüyonga maginüyonga asenok tsürabur mapang nungi tebur yimli nung aruba sobaliba nung lia aruba kin asünungji, tanü tashi iba kasa sobaliba nung arur. Ibayongji, tanü ama putu nungbo yimten mapatem nung dena tetsürtem jenjang temaba nung liaka, tsürabur ali senmang, kin kidongren aser kibalembubaren nung teburtemang temeten tuluba aser jenjanga temaba nung züngshir. Iba jagi, kibalembu mapanga tetsüri tebur masü tebur tetsür asüngdang. Aji oda, kodang tebur kati tetsür asüngdangdir, jet ta tetsürla tsürabur aser kinungertemi teburasangji kechi inyaker metetner. Asenok tangatetba nung teburasangji government mapa tilateri ka nung danga inyaka lira, tsüraburtemi taküm nung kecha shisabolu mali, kibong asoshi tatong touka ayu amai bilemer. Iba jagi, tsüraburtemi dang masü saka asenok ajaki paji mesüra laji government mapa nung lir mali (?) ta metetner, kechiyong asenok tokolok nung government mapaji dang enoka lir. Ajisüaka, China nungbo tebur kati tetsür ka den alitsü asüngdang dang, na-a factory tilakabo lapoka lir mali mesüra na alu kobateka lir (?) ta tamasa metetnua asüngdang. Tangar o asen na tsüngdaji aji lir. Aji oda, asenokbo tila asüdang nungi tsüraburtemi tanurtem ajak government mapa nung inyakdaksütsü asoshi bilema meranga mesür aser akok tashi yaria school-a aser college-a züngdaksür. Aji oda, tsürabur dak aketba tashi, rongsen aser mapang ajak pei tanurtem government mapa nung inyakdaksütsü nükjidong yur endoker. Kasaji, tanurtema taküm nung mapang tajungtibabo government mapa inyaktsü bilema tazüngba nung endoker. Atangji, temeranger, tajunger aser tia akar kar government mapa angur, saka teimbaka government mapaa mangu aser tanga mapa inyaktsüa meblem tantsür tambur küma kidang tsüraburtem nem mesüdaksür. Asen lima nung iba tebilemtsü ya tuluba tuluba küma odagi, kechiyong lanur noklang kati government mapa bushi nung lanur ter majungi dang government mapa ngutettsü, anungji tanüngba lanur 90 jibo tanga mapa bushitsüsa akümtsü. Tanü iba kuliji tawa Nagaland nung Environment, Forest aser Climate Change department nung Forest Guard post 150 asoshi Naga nung lanur meyerijang 24 dak talii raktepa tatidang agütsüba asütsü. Idakji Nagaland government asoshi tebilemdangtsü aser teinyaktsü rongdak nüngdak aika reprangteter. Aji oda, nisung 150 shimtetter tanüngba nisung 23, 850 nemji kechi mapa agütsütsü ta asüba nung government nung sentong yanglurtem shisabolu khuret akümtsüla. Iba tebilemtsü ya tanü government nung alirtemi shisabolu meblem pei ajung asaa dang inyakrabang, tanü pei asoshi tajung inyakbaji asüng magishitsü. Alima ya nübortem meyong, anungji nübortemji kibur. Ibaji mangateti kodang nübortem madak yimsü asür aser ketdang asürtemi nübortemji parnoki maremtettsüsa timtem tia nung yutsüdir, nübortemji ain adoktsü aser alima nung teimla makaba nisung ka ain adokbaji ajak atema kanga lendong lir, kechiyong pai pa taküm mapayur. Aji oda, alima nung tali meshizük aliba kibong aser nisung ka asoshi tamajung inyaktsüba kecha tarendaktsü makaba mapa ka kumadoktsü. Kasa lendongji tanga lima nung asenoki yimten lenirtem pei ki toktsür jena aoba angur. Ibaji angur dang, asenokia asenok dang mekümdangra iba amai ataloktsü ta sayur ama bilemtsüla. Iba ama lendongji asen lima nung mataloktsüsa, tanga tang government nung alir yimsüsür aser ketdangsertemi lanurtem asoshi government mapatem dang nungi tajungba peisasa mapa tenzüka inyaktetba lenmangtem sayutsüla. Atangji, mapaji tangaleni bushia aotsüba masü saka mapaji asen alidak asen li nung lir saka asenoki asenoksasa mangur, anungji asenok asoshi mapa inyak sayur aser mapa inyaktsüba sentong nüngdaker. Iba mapa sayutsüba aser sentong yanglutsütsüba government mapa asütsüla. Ibaji angateta, kodang lanurtem peisasa peii jangraba mapa tenzüka inyakdaksüdir, asen lima nung kazür kata mali, nisung ajunga mapa inyaker kumadoktsü. Idangjibo, China nung amato asenok lanurtem danga nü meyong company tenüng kechi (?) ta asüngdangtsü !

OLEMSABANG

Sarasadem tesep koma asünung tajungba süla

Limatula Longkumer

(Yashi adok nungi...)

Shirnok Sarasadem tesepe aor?

Prayer centre tangatetba tsütsü nungi reprangdangra, arogo nung asenok telok asem kümogo. Mezüngbuba telokji prayer centre nung dang temulung alemba aser temulungsentsü ajak agi bendanga yariba. Ashiko, item nübortemji pei mother church toktsür prayer centre- iang teimba aoba nübortem asütsü akok. Item nübortem arogo inyakyim aser sayutsüngiba yimya nungji temulung mesüi alitsü akok, aser temulung masüba indang jembibaji angur. Tanabuba telokji 50-50, tetezü nungdak mapang nung prayer centre-i aotsü saka arogo nunga member tajung ka ama regular sentepi oa shilem agiba telok lir. Asembuba telokji kodanga sarasadem tesepe-i maor, prayer centre anema meinyaker, saka temulung nungbo prayer centre-ji keta sena meblem saka arogo benjatsüba telok ka amai bilem ya alitsü akok. Nisung telok lemsaba den külemi arogo rongsen-a lemsar ta metetdi. Arogo asüyonga, sarasadem tesepe asüyonga tamang tenla agi jajaba telungjem tentet asünung tamangtir-i mulungsoa agütsüba tenla agi taküm liteper ta metetdi. Asenok joko arogo rongsen (sources) lemsaogo, sarasadem tesepe karbo takar-tuluri rongsen jenti agüja terenlok aoba osangtem angashir. Prayer centre karbo India lima tesem aika nung mesem-a aoba osang angashir. Oda lia liabo arogo nunga telemsa adoktsü menua mali. Tamanger ajaki iba atema shi shia bilemtsüla.



Kechiba Sarasadem Sepi aor?

Ashiko kuli aika alitsü akok. Aika shi aser tanela nung taneptsü asoshi, timtem-khuret mapang nung telangzüba (answer) tanga tang metetnuba agi sarasadem dangi aor. Shirnok sarasadem sepi aor parnok nüngdaktemji: exam nung takok angutsü, mapa angutsü atema, competitive exam nung takok angutsü, kibong akümtsü, election nung takok angutsü, temenen aritoktsü, yi jemer, mozü achir azüoktsü, mim mozü katitsü, shisabolu khuret, tashitak tapu aika bener taneptsü bushia arur. Arogo nung Pastor (toklang tenzüker) dangi masü teimba kadi prayer centre bushia item sarasadem onük balala bener senteper. Ya kechiba? Arogoi nübortem tanela aser shi nung anisüngzük angutsüsa meyariteter asü? Arogo tenzüker dak temulung malemer asü? Mesüra tanela sempet akar bushia sarasadem sep jagi aor? Prayer centre nung taneptsü, aser sayatenya mapa aika inyakba osangtem kuli aika lir. Tsüngremer sayatenya tatalokba aika lir asünung iba ya nisungtem asoshi puatsü telok ka asü? Asen nisungi tanga tang telangzüba aginür. Mangdang aser shiner dang Tsüngremi kechi tuyur ta asüngdang. Anungji shiner aser mangdangtemji tia ashir amai, Tsüngrem ama kümdaktsür. Asen kija tamang Tsüngrem dak ayuba masü mangdangtemji asen Tsüngrem kümdaktsür.

Prayer Centre inyakyim yimya

Pastor Bendangmeren, Kohima-i züluba ocet ka nung Prayer Centre 11 (ter ka) tashi lapoka aliba küm tersür ta tejaklen shisema lir. 1 Tangbo Nagaland nung prayer centre aika kümogo, aser aji Dimapur area nung teimba ka alitsü s?di. Kechiba Prayer Centre paika ya lapokyonga aor? Ya nübortem onsara nungtepa aoba agi (demand) tali tali lapoka aor asü, mesüra Tanela Temeshi lenisüba mesüra ajungshiba ajanga lapoker, mesüra iba ya sen aahtsü (lucrative industry) ka akümer? Sarasadem tesepe lapokba aser inyakyim ya alima aika nung mesüktepa angutsü, tongmelang agi Neo-Pentecostal movement tsütsü nungi inyakyim kar asen lima sarasadem tesepe den medemdanga zülusemer.

o Prayer centre ya tebilemtsü khuret pongtokdak (problem solving centre) ka ama lir, aser sarasadem tesepe kibur aser counsellor-temji tebilemtsü khuret taneptsürtem (problem solver) amai lir. Sarasadem tesepe nung counsellor-temji nisung aser Tsüngrem tsüngta o tongdar ama (spokesperson) inyaker. Nübortemia sarasadem tesepe arubaji tanelai kechi ashir ibaji tanga tang metetnua asüngdangyar, aser Tsüngremer tetuyuba aser telangzüba kechi metetnua arur.

(Maneni asüng adok nung...)

**Iba Olemsabang nung lemsaba ken-o aser shisatsü ya iba ocet züluri
bilemba ken-o ama tazünger angateta agitsü mepishir**

Baptist World Alliance (BWA)-i Acts 2 Movement tenzükogo



Australia kübok Brisbane yimti nung 23buba Baptist World Congress nung BWA General Secretary aser CEO, Elijah Brown-i 'Acts 2 Movement' sangdongba mapang tangokba noksa nung angur.

Brisbane, July 17, 2025 (Agencies): Pentecost aser Khristan Arogo tenzükba sülen küm 2,000 ajungba kümji 2033 amongtsü lia Baptist World Alliance (BWA)-i Acts 2 Movement tenzükogo.

Acts 2 Movement kübok alima nung mission wadang inyaksü aser Khrista osangtajung proktsü atema alima tesem ajaklen Baptist tamangertem longjemer inyaksü ayongzüker.

July 7 nungi July 13 tashi Australia kübok Brisbane yimti nung 23buba Baptist World Congress sentong agiba mapang nung Acts 2 Movement sangdonga liasü.

BWA General Secretary aser CEO, Elijah Brown-i linük 130 nungi adenshiba lenir 3,000 dang alima tesem balala, oshi balala jembiba tesemtem aser linük ajak nung tanela asentenshi milak tulu jangrutsü atema sarasademang, ta ayongzüka liasü.

"Küm 2000 tejaklen Yisu nütsüngtem 'upper room' nung adenshia liasü, aser iba mapang nungji mezüng Tanela Temeshi agi parnok asüng. Mapa inyakba Arogo ka ama parnok ajanga alima nung temelenshi bener arutsü," ta Brown-i ashi.

"Tsüngrem sentsüwangshi atema asenoki yamai sarasadem nung koma-'Kibuba, küm 2000 tejaklen Nai inyakba ama Nai ano tanaben

inyaksü asü ?' ta paisa ayongzüker.

Acts 2 Movement ya lenla pongu nung amendaker lir aser ibaji Tenyartem Mapa tapu 2 nung mezüng Arogotem inyaksangshiba den sendaktepa lir. Lenla ponguji- Laishiba lenla, Kulisüba lenla, Anepaluba lenla, Kiyonger lenla aser Yimsü Temeden lenlatem lir.

Item ya BWA ministry nung kanga tongtibang.

Nükjidong kar atemzükba sülen 2033 küm tashi nungbo nükjidong ajakji atalohtsü atema linük 138 nung Baptist tamangertem ajungmesotsü atema iba Movement tenzüker. Iba mapatong kübok taküm kuli million 450 lemsateptsü, sarasadema tenla agütsüba ajanga oshi 1,159 nung Laishiba meyipzüksü, temeim mapa billion 1 inyaksü, kiyong 500,000 nung chaplains agütsütsü aser alima nung yimsü temeden atema signature million 1 bendentsü densema lir.

BWA sentong nung Acts 2 Movement Director, Kyle Henderson-i, "2033 küm tashi nungbo Kibubai tenyaba wadang tuluba renemtsü atema alima nung Khristantemi longjemer," ta metetdaksü.

"Acts 2 Movement ajanga Tsüngremer mission wadang inyaksü atema Baptist tem

longjemer," ta paisa metetdaksü.

23buba Baptist World Congress sentong agiba mapang nung shilem agirtemi Acts 2 mangdangji peipei linük aser Arogotemi bener aotsü nangzüker.

Freedom & Justice Path kübok Baptist tamanger million 1 ka ayongdena alima tesem balala nung yimsü nung ajemdaker reshikangshi ajangshirtem atema sarasademtsütsü, reshikangshi nokdangtsü atema jembitsü aser inyaksü.

Freedom and Justice Path sangdong ajanga, "Yimsü temeden ya yimtenren tebilemtsü ka dang masü, saka iba ya Khrista osangtajung atema tajaba ka lir," ta metetdaksü.

Brown-i, "Onoki Baptist tamangertem dang pei kiyongtem moatsütsü aser kiyongertem tsüngda temba ayimtsü atema ayongzüker. Khristai nü nem agütsüba temeden amshia aliba movement nung ya nai-a shilem agütsü asü?" ta asüngdang.

BWA ya 1905 küm tenteta liasü. BWA kübok Arogo 178,000 nungi baptist tamanger nütsüng million 53 lir. Küm 100 dak tali BWA-i Baptist tamangertem tekülem, mission, teyari agütsüba mapa aser ochi temeden tashi itdaksütsü atema inyaka arudar.

ANOGO ABEN TSÜNGREM DEN

Ibai ni koda ashir

Nisung shia dang nenoki koda langzütsü tim aji nenoki metettsü asoshi, nenok o teti taochi den, metsü agi nangdakja liang. - Kolosi 4: 6.

Tejen shin o ka nung ashir, "Nai mejembidang anaben shisadangang". Iba jagi asenok lendong aketba o aika nungi kümzüksü.

Chiyungtsü meraksatsü atema metsü inoker ayur. Koba agi teyari agütsür iba o jembitsü metettsüla. Asenoki kechi ashir aji dang masü saka koda jembir aji mita lira kibong nung tepela alitsü.

Chuba kati pa kübok shisa akartem dang pa pungmang tetezü ratetjang ta ashi. Mezüngbuba shisa kar nisungi ashi, "Nü pongmang tetezüji tamajung. Ner kinunger ajak asütsü - netsü, nebu, adianu, ayianu ajak aser na nü kija toktsütsü." Chuba ain adoka pa dak azük. Tanabuba shisa kar nisungi ashi, "Ne pungmang jagi tenangzükba aika agütsür. Na pelaa alitsü. Arishi talang aser anema alitsü. Ner kinünger ajak dang na arishi talangba alitsü". Tenapronglai kasa indang jembi saka koda ashi, tepilaji aji.

Asenoki tangar tanela nüngdak koda ashir, parnok temenen nungi kümzüksü, mesüra tekülemi arutsü indang? Arja ashir asü? Pauli iba yimyaji kümdangdaksür. Teküprak o-i ain adokdaksür. Tanela temeshi dak nendaker asenoki teyari agütsütetba o jembitsüla.

SC-i UP sorkar dang anti conversion ozüng atema telangzüba meshir



Gaza nung Argentina nunger putir, Gabriel Romanelli yirua anepaludang tangokba noksa nung angur.

July 17, 2025: Bodhbarnü (July 16, 2025) Supreme Court-i Uttar Pradesh state sorkar dang, state nung 2024 küm yanglushiba anti conversion ozüng anema temepishiba ken o agüja aliba dak sendakba nung telangzüba agüjang, ta tuyuogo.

Justices- Vikram Nath aser Sandeep Mehta nati akümba bench-i UP sorkar dang, iba ozüng anema ken o benoka aliba dak sendakba nung telangzüba agüjang, ta tuyu.

Lucknow nung shisashir, Roop Rekha Verma den tangartemi advocate Purnima Krishna ajanga Uttar Pradesh Prohibition of Unlawful Conversion of Religion Act anema Supreme Court nung temepishiba ken o benoka liasü.

Parnoki Supreme Court dang, 2024 küm yanglushiba ozüngji ajanga pei tebilemba sadema jembiba aser pei yimsü

tangar den lemsatepba temeden agienadoker, ta metetdaksü.

Parnokisa, iba ozüng ya linük temzüng kübok Arrla 14, 19, 21 aser 25 anema lir, ta ashi.

Tang India kübok state 10 dak tali nung anti conversion ozüng benoka lir. Item ozüng tim mesüi amshia pastor tem, missionary tem aser Khristan lenirtem nem tiyazü nung tai tonglokja apur.

India nung talisa tribal aser sensakertem aliba regions nung Khristantemi mesüzüka tribal sensakertem Khristan yimsü dangi meyipdaksür, ta tai tongloktsür.

UP sorkar atema ken o jembitsür counsel-i Supreme Court dang, item ama temepishiba ken otem aika Chief Justice of India-i aniba bench matsüngdang benoka lir, ta ashi.

(Maneni tapak 8 nung...)



Chiteni 11-13, 2025 nung Aoli Counselor-tem (tanela phusemertem) asoshi Asentenshi aser Angazükshiba sentong ka "Molushidi" Ta asüba omen dak rangloker Longsa Baptist Arogo ajanga ayongzüka Longsa nung aka. Iba sentong nung tongti shisalen sayur Rev. Dr. Moa Imsong, Counselor, DABA aser Rev. Kilang Jamir liasü aser iba sentong nung Aor Counselor-tem 235 shilem agia aden.

AO OSHI ANGAZÜKDAK: TANÜ ANGAZÜKTSÜBA OJANG



Tir Yimyim

Terara

(v) merenshia alidang nung ta ashiba mesüra raratepa alidang anenang ta ashiba (don't scold or don't fight)

Terata

(n) telemtetba magitetba mapang (doubt)

* Yisu shia arudang nütsüngtem terata nung liasü.

OLONG PAITEP # 7212

1	2					3			4	
						5				
6				7						
								8		
9		10				11				
				12						
13								14	15	
	16							17		
18										
				19						

TIPLÉN

- Pongentsür dang yamai-a ajar - (7)
5. S _ _ _ _ _ wangshi - (5)
6. Tamang nung yimzüba ozü - (3)
9. Pei indang aküm - (3)
11. Mi nung atsük - (5)
12. Tar talang aküm - (3)
13. Tejen masü - (5)
14. M _ _ _ ng - (3)
17. Songtem - (3)
18. Ken olasü - (5)
19. Kumtetdakba - (7)

LANGTSÜNGLEN

2. Teimla ayu - (5)
3. Ajir / Penzü - (9)
4. T _ _ _ k - (3)
7. Tali anguba - (9)
8. Tema tajitsü - (4)
10. M _ _ _ ktsü - (4)
15. Apitet - (5)
16. Shishilemba dang amshiba - (3)

OLONG PAITEP # 7211 TELANGZÜBA

TIPLÉN :

1. Asüküm, 5. Lokti, 7. Ola, 9. Osang,
10. Dia, 13. Atongpu, 14. Apu,
16. Zünga, 17. Ajunga.

LANGTSÜNGLEN :

2. Shilangtsü, 3. Küm, 4. Noksa,
6. Tongmelang, 8. Ngd, 11. Ulu,
12. Anogo, 15. Tou.

NAI-A YA METETTER MA



1. USA sülenbo alima nung 'software' timtiba adoka yangluba limaji Irelan lir.
2. Kümshia asenok shi temang nung aliba 'atom' ya noklang shilem nung 98-bo melener.
3. Tzü temokong denbo tatsük ya taretba. Naia tendangang !

Mizoram nung Indo-Myanmar arrtsü atsü asadang tenzükogo

Aizawl, Chiteni/July 17 (Agencies): Union Ministry of Home Affairs' (MHA)-i Indo-Myanmar arrtsü km 1,643 atsü atsütsü atema telemteba agiba atema teyari agütsütsü asoshi Mizoram sorkari mezüngbuba jenjang agi tenzüktsü, ta ketdangsürtemi metetdaksü.

Preliminary survey ka Hnahthial district kübok Thingsai yimtsüng nung tenzüktsü.

District collector office nungi ketdangsürtem, superintendent of police, Border Roads Organisation (BRO), aser Assam Rifles nungeri iba inyakyim nung shilem agitsü.

Hnahthial Deputy Commissioner K Vanlalruati lenisüba nung coordination senden ka Bodhbarnü menogo, kong district kübok arrtsü nung atsü atsütsüba indang sensaksema liasü.

Sorkar sangdong ka ajanga ashiba agi, iba survey ya arrtsü nung atsü atsütsü atema aser iba ajanga kongshiba nüburtem tebilemba angadangsü asoshi agitsü. Southeastern Mizoram kübok Hnahthial district nung ya Thingsai nung international entry-exit point ka lir.



Mizoram aser Myanmar kübok Chin state na arrtsü km 510 lir. Mizoram nung Champhai, Siaha, Lawngtlai, Hnahthial, Saitual, aser Serchhip district tem Myanmar den arrtsü nung lir.

Kasa mapang nung Ministry of Home Affairs-i, internatioal arrtsü nung Free Movement Regime (FMR) nung tenokdangba agütsüogo.

Yanlushir aliba FMR guideline kübok arrtsü adena anatsülen km 10 tsüngda alirtem arrtsü adentsü atema border pass nüngdaksü, ta shia lir. Iba pass yagi anogo tenet tashi alitsü atema temelaba agütsür koba India aser Myanmar nunger ajak atema lir. Applicant temi parnok 10-km zone nung

aliba kuli sayutsü nüngdaker.

Iba inyakyim tasenba ya December 31 nungi benoka inyak tenzükogo aser state police, Assam Rifles, aser health department personnel temi entry aser exit point tem nung inyakyim achaayangdar.

February ita Mizoram Legislative Assembly-i, Centre sorkari arrtsü nung atsü atsütsü aser FMR regulations tesashiba benoktsü telemtetba agiba anema bangzük ya agizüka liasü.

Mizoram nung lokti tentet balala den Manipur nung Naga aser Kuki-Zo nungertemi iba ken o süoki ia bilemba lemsatepogo aser ashiba agi, iba ajanga arrtsü nung alirtem tsüngda tesendaktep raksatsü.

Dima Hasao anentsüh lendong nung nisung ana asü

Silchar, Chiteni/July 17 (Agencies): Assam, Dima Hasao nung Mahur police station kübok Hangrum nung national highway yanglua aliba tesem ka nung Bodhbhar anepdang anentsüh aluba sülen nisung ana asü aser nisung teku yirua liasü.

Ketdangsürtemi ashiba agi, aonungsangwa tzünglu kanga sashia aruba sülen anentsüh ya alua liasü. Bharat Mala project kübok tang mapa tinyakdak aliba mapang iba lendong ya atalokogo. Lendong ya Assam nung Hangrum aser Manipur

nung Tamenglong district na sendaktepba two-lane national highway ka tang teyangludak aliba nung ataloka liasü.

Iba mapa ya Hyderabad nung amendaker aliba firm Anusha Project Private Limited-i achaayanga inyakdar.

Source balalai ashiba agi, tenem anenzüka alua tang mapa inyaka aliba tesem nung mapa inyakertem anenbanga liasü. Lendong nung asür ana ya Hujanzen Gamba nung alir Hujanzen Gamba aser construction company indang excavator operator Fero Tiga

(39) ta jangjaogo.

Kasa mapang nung yirur alirtem ya Haflong Civil Hospital-i temang anepalutsü atema anir oa liasü. Ajisüaka yirur alirtem maitsübo mesangdong.

Anusha Project Private Limited indang senior project manager Sushil Kumar Srivastava-i ashiba agi, company-i ketdangsürtem den tongtepratepdar. "Iba anentsüh lendong nung nisung taküm ana samaba ya temulung raksatsüka lir. Asür kibong den asükhulemsateper," ta pai ashi.

Assam: Paikan nung ali azüngtetba mapang nisung 1 tepset

Guwahati, Chiteni/July 17 (Agencies): Brehostibarnü Goalpara district nung Krishnai Range kübok Paikan Reserve Forest nung Assam Police aser Forest Department nati achaayanga ozüng alema ali atsünger aliba azüngtettsüba mapang mepetmesü adoka nisung ka asü aser nisung ka yirua liasü.

Sorka ali hectar 140 atsünger aliba azüngtettsütsü atema jenjang agiba mapang Bidyapara aser Betbari nung alirtemi iba inyakyim anema nokdaka liasü. Iba tesem nung alirtem ya parnok aliba ali atema official kuli kaket malirtem lir.

Ketdangsürtemi ashiba agi, kati long agi ona excavator ka amak tenzükba sülen mepetmesü tenzükba liasü. Iba sülen police-i parnok kümzüktsü atema injang khalokja liasü. Lendong nung nisung ka tenüng agi Shakuar Hussain tepset. Ano lendong nung Kutubuddin Sheikh-a yiru aser temang anepalutsü atema mozüki kati anir oa liasü. Kasa mapang nung osang ajanga ashiba agi, police tema yiruogo, saka osang tejangja memetet. Ketdangsürtemi ashiba agi, iba inyakyim metenzük tsüngda jelia osang aiben agütsüogo aser iba tesem nung alirtem dang ali azüngtettsütsü

ajungshia liasü. Paikan Reserve Forest ya hectar 711 shi lir aser iba ya wazüka ayuba ecological zone nung shilem ka lir. Forest ketdangsürtemi ashiba agi, meimchirtemi arem atsünga aoba ajanga tzümopung dak kongshiba nokdangsü asoshi iba inyakyim ya benoktsü nüngdaka liasü.

Iba tatalokba sülen iba tesem nung tenasa mejungi lir. Tatalokba dak sedakba nung ketdangsürtemi taruba jenjang agitsüba mesüra police-i injang akhaba dak sendakba nung judicial inquiry kecha agitsü magitsü iba indang osang tejangja magütsü.

Iraq hypermarket kitsük-kirong lendong nung nisung 61 asü

Kut, Chiteni/July 17 (Agencies): Iraq anüdoklen Kut yimti nung aliba hypermarket ka nung kitsük-kirong lendong tuluka ajurua nisung 61 asü aser aika samar bushir, ta Iraq indang Interior Ministry ajanga ashi.

Wasit governorate nung iba mall mi lendong nungi nisung 14 tasü mang rongdoker aliba ngutetogo aser civil defence teams temi ki telung nungi nisung 45 kumzük, ta ministry ajanga ashi.

Aji masü dang yimti indang health ketdangsür temi Reuters news agency dang, "Onoki nisung 59 tenüng bendena lir aser parnok jangjaogo, saka tasü mang ka kanga mejungi rongsar jangjatettsü kanga tasak," ta ashi.

Social media nung video tem prokshiba nung Bodhbar aonung Kut nung storey pongu

aliba ki ka nungya mi jangrua liasü, aser firefighters temi mi remseptsü meranga liasü. Iba mall ya hopta ka tejakdang ang lapoka liasü, aser yangji restaurant ka aser supermarket ka liasü. Sorkar meyong Iraqi News Agency ajanga nisung samar bushiteptar ta ashi.

Iraq Ato Kilonser Mohammad Shia al-Sudani-i sangdong ka nung, pai interior minister dang iba kitsük-kirong lendong atalokba tesemi oa bushisü ngdangtsü aser tanaben iba ama majurutsü mera agitsü totuyuba agütsüogo, ta ashi.

Wasit province governor, Mohammed al-Mayahi-i mi ya hypermarket aser restaurant nung adok ta ashi.

Kibong balala chiyonga aser lija-liyonga liasü, ta pai ashi. Firefighters temi nisung aika kumzük aser mi ya

remseptet, ta governor-i ashi. Anogo asem mang ayimtsü sangdongogo aser bushisü ngdang tenzükogo. Bushisü ngdangba osang ya ghonda 48 tsü ngta sangdongtsü. "Lendong tesashi ka agi asenok nembangogo. Onoki iba ki aser mall kibur anema ken o benokogo," ta governor-i ashi.

Ki o jen junga meyangluba ajanga Iraq nung iba ama kitsük-kirong lendong ya ajurur. 2021 küm July ita nunga Nasiriyah nung aliba mozüki ka nung mi adoka nisung 60 dak tema asü, aser ibai Iraq nung memelaba jenjang talang aser mi mela-mela jangruba "sandwich panel" nungi adoka liasü.

2023 nunga Nineveh province nung Khristanpur timba aliba Hamdaniya nung kiyimba sentong ka nung mi adoka nisung 100 dak tema asü.

Pakistan nung tzünglu ajanga anogo ka nung nisung 63 asü

Islamabad, Chiteni/July 17 (Agencies): Pakistan indang Punjab province nung tzünglu kanga sashia aruba ajanga ghonda 24 tsü ngta nisung 63 dak tema tzü nung arakseta asü mesü ra electric shock agi asü. Kasa mapang nisung 290 dak tema yiru.

Asürtem ya aika ki o jen laoba agi nembangba aser kar tzü agi arakseta asü ba mesü ra light agi puseta asü ba alitsü, ta Pakistani disaster management body ajanga ashi.

Nüburtem ki telung nung lidaktsütsü mechi Rawalpindi yimti nung ketdangsür temi Brehostibarnü ya public holiday sangdong aser Nullah Leh anasa alirtem dang pei aliba tesem nungi ainshitsü ashi, ajisü aka ghonda 18 sü len tzünglu anenba ajanga tzü

ajema akum. Tang tesü sa asü ba ajanga Pakistan nung June ita tatemlen monsoon tenzük er asü ba nisung 180 jungogo. Asürtem ya tesadang dak tali tanurtem lir ta ashir.

Punjab province tesem ajunga nung tzümetsü ng adoka expressways tongtipang tem shibang aser tayimtsü aika timtem ajurua liasü. Brehostibarnü Punjab Chief Minister Maryam Nawaz-i district aika nung emergency sangdongogo, kechiaser tzünglu sashia aruba ajanga jila aser yimtsü ng tem metsü ngbang.

Chakwal nung anogo ka nung tzünglu 400 mm aru aser iba mapang rescue team temi rong tila amshia nüburtem bushi aser military helicopters

tema amshia liasü. Hopta tatemlen ano tzünglu tali aser ajungben tzümetsü ng tesashiba adoktsü sangdonga lir, anungji emergency workers meyirijang aika yariteptsü renema lir.

Pakistan nung weather systems ana - Western Disturbances, koba ajanga temperatures tatsük aser tzü ng sarusa ama bener arutsür aser Southwest Monsoon ajanga tzünglu tesashi bener arua tzümetsü ng adokdaktsü ba yong iba ama lendong ya ajurur. Ano Pakistan nung glaciers (rer long bulu) 13,000 dak tema lir aser itemji kanga kera yimsaa aor. 2022 küm tzümetsü ng tesashi adoka nisung 1,700 asü aser linük shime asem shi tzü agi mubanga rongsenketzü ng nunga sen \$30 billion shi akoksa liasü.

Ukraine ato kilonser inyaktsü Yulia Svyrydenko shimogo

Kyiv, Chiteni/July 17 (Agencies): Ukraine indang parliament nung Brehostibarnü vote agitepa Yulia Svyrydenko ya ato kilonser inyaktsü shimogo, ta ozü ng yanglurtemi social media nung ashi.

Ozü ng yanglur temi ashiba agi, parnok nisung 262-i Svyrydenko nem vote agü ja menden 450 aliba parliament nung majority ayong-ayonga angu. Ukraine indang parliament sessions ya rara mapangbo broadcast masür. La shimba ya Tir Volodymyr Zelenskyy-ia bhukuma liasü, koba Russia-i February 2022 nungi amak tenzük er sorkar ketdangsür melenshiba tulutiba alitsü.

Arishi küm 39 tain Svyrydenko ya economy minister ka ama aser Ukraine indang deputy prime minister tem rongnung ka ama November 2021 nungi inyaka arua liasü.

Chamber nung electronic vote table tangokba noksa ka ozü ng yanglur Yaroslav Zheleznyak-i lemsatepba nung la anema vote 22 aser shilem magir 26 liasü.

Parliament nung ano küm pongu ato kilonser inyaker menden nungi alusang Denys

Shmyhal ya Ukraine indang defence minister inyaktsü asoshia vote agiteptsü imlar.

Talenba balala salatsü, tembar linüktem den rongsenketzü ng tesendaktep ulushitsü aser Ukraine indang statehood amokmerener tashi taitba nungmerenshitsü asoshi cabinet ya shimshiner, ta Zelenskyy-i shia aru.

Svyrydenko ya Washington nung ketdangsür tem kü lemi inyakdanga lir, April ita Treasury Secretary Scott Bessent den ken o jembia tezü ngzü ktep ka zülutepa US-i aginü ba ama Ukraine nunger ali rongsen agitsü aser Ukraine yanglushiba nung senotsü indoktsü zü ngzü ktep.

Brehostibarnü parliament nung Svyrydenko asoshi vote magitepdang Zelenskyy-i Ukraine tashi itshitsü atema United States den tarutsü nung agreements yanglutsü indang jembia liasü.

Ato kilonser tasenba ya European Commission President Ursula von der Leyen-ia pela agizü ka liasü.

"Nai Ukraine takum sü a alitsü asoshi raraba aser ner linük shia aruba aser EU tarutsü asoshi inyakba nung onok dena lir."

Israel-i Syria mitkar headquarters amak, Druze rara manener

Damascus, Chiteni/July 17 (Agencies): Israel-i Syria yimtiba Damascus nung tir aliba ki anasa Syrian military indang headquarters amak, koba ajanga tesa mejungi kumdaktsü aser Syria south tsütsü Suwayda yimti nung Syrian sorkar sepai aser Druze fighters tsü ngta raraba ajanga Israel-i amokmerenba sü len ibai ataloker.

Israeli Defence Minister Israel Katz-i Bodhbarnü sangdong ka nung Israel mitkari Damascus nung Syrian Syrian military headquarters entrance nung amak ta ashi.

Katz-i Syrian sorkar dang Suwayda nungi ainshitsü amokmerenba sü len iba ya ataloker, kong Syria indang Druze minority den anogo ishika parnok kanga sashia rara arur. Syria sorkari Mongulbarnü sangdongba ceasefire raksaba sü len Druze nübur asoshi tongtipang yimti, Suwayda yimti nung rara tenzükshi.

Israel-i central Damascus nung tenük yoker anü nglen nungi amakba mapang nisung toku yiru, ta Health Ministry ajanga ashi.

Syria south len Sweida yimti nung local Druze fighter den government security forces temi rara alidak Israel-i anogo asem metitemi amak.

Defence ministry nungi security osang ajanga ashiba agi, tang tesü sa drone ana amshia

amakdang ki nung kongshiogo aser ketdangsürtem basement nung atsü ka liasü. Israel-i amakba nung civilian ana yiru ta sorkar meyong Elekhbariya TV ajanga ashi.

Israel mitkari Syrian regime indang military headquarters complex telungi aidak gate nung amak aser southern Syria nung Druze civilian anema inyaksangshiba maneni repranga atar, ta ashi.

Syria indang state media aser tenük kuli alirtemi ashiba agi, Israel-i Borhbarnü anogo tepiyong amakdang Druze nunger timba aliba Sweida yimti nunga amak, kong anogo pezünü buba raraba ajanga Mongulbar nikongdang sangdongba ceasefire raksa.

Druze fighters aser Bedouin nunger nok-nü bena alirtem tsü ngta rara aliba azü oktsü mechi Syrian sorkari indang sepaitemi Hombarnü Sweida region-i yok, saka Druze militias tem den ang rara.

Yangji aliba Sweida24 news outlet ajanga ashiba agi, Sweida yimti aser anasa aliba yimtsü ngtem nung Bodhbarnep artillery aser mortar agi sashia amak. Syria indang defence ministry ajanga sangdong ka nung yimjung raksaba atema Sweida nung aliba outlaw groups tem tenü ng asen.

Defence ministry-i yimti nung aliba nüburtem dang kilung nung alitsü shia lir.

GOVERNMENT OF NAGALAND

DIRECTORATE OF TECHNICAL EDUCATION

NAGALAND, KOHIMA

NOTIFICATION

NO. DTE/ ESTT-2/02/2021-22/: This is to notify to all the aspiring candidates who wish to avail State Reserved Seats in Under-Graduate Degree Courses in the following Colleges/Universities for the academic session 2025-26 may collect the prescribed application form from the office of the under-signed during office hours on payment of Rs.500/- (Rupees five hundred) only. Form can also be downloaded from Department website: www.dtenagaland.org.in.

Sl. No.	Branch	No. of seats	Eligibility	College/ Institute
1	B. Tech. (Food Technology)	04	Passed 10+2 with PCM/ PCMB 40% marks for SC/ST/PC candidates	(i) College of Agri. Engg. & Post Harvest Tech. Gangtok, Sikkim. (ii) College of Food Tech., Imphal, Manipur
2	B. Tech. (Agricultural Engg.)	11	Passed 10+2 with PCM/ PCMB 40% & 45% marks for SC/ST/PC candidates	(i) College of Agri. Engg. & Post Harvest Tech. Gangtok, Sikkim. (ii) School of Engineering& Technology, Dimapur
3	Computer Science & Engineering	07	-do-	(i) Tripura Institute of Technology, Narsingarh, West Tripura (ii) School of Engineering& Technology, Dimapur
4	Electronics & Comm. Engineering	07	-do-	-do-
5	Information Technology	06	Passed 10+2 with PCM/ PCMB 45% marks for SC/ST candidates	School of Engineering& Technology, Dimapur
6	Biotechnology	06	Passed 10+2 with PCMB/ 45% marks for SC/ST candidates	-do-
7	Civil Engineering	21	Passed 10+2 with PCMB/ 40% marks for SC/ST candidates	(i) Tripura Institute of Technology, Narsingarh, West Tripura (ii) ICFAI, Tripura
8	Mechanical Engineering	21	-do-	-do-

Last date for issue and submission of complete application form is from 18th - 25th July, 2025.

(Er. VipulhouLhoungu)
Director

Vanguard FC Old Boys-i 10buba MPL kokogo



Kohima, Chiteni/July 17 (TYO): Tseminyu nung amendaker aliba Vanguard FC Old Boys-i, 10buba Morning Premier League 2025 kokogo. Iba asayamung ya Morning Football Association-i ayongzüka Indira Gandhi Stadium Kohima nung asaya liasü.

Asayamung akokba sülen Vanguard Old Boys nem takok marok den medal aser kuli kaket agüja liasü. Asaya 18 asayaba nungi parnoki asaya 15 akok aser ana draw asü aser asaya ka dang mekoki liasü.

Iba asayamung nung shilem agiba tanga team tem rongnung Eagle FC, Unity FC, Morung United, Morning FC, Mustang FC, Classic Kickers, Merhulietta FC, Kohima Police aser United Bulls nung densema liasü. Bonglang nung tembangba team ana eliminate süogo.

Asayamung nung tanga award tem ya Best Midfielder: Eagle FC nungi Adam, Best Defender: Morning FC nungi Akhe, Fair Play

Award: Morung United, Player of the season: Vanguard FC Old Boys nungi Anguzo aser Gold Glove: Vanguard FC Old Boys nungi Avis a ser Golden Boot ya Vanguard FC Old Boys nungi Benlo Kemp aser Unity FC nungi Mele Pucho na nem agüja liasü.

Sentong nung tongti tejaoker ama o jembiba mapang Nagaland Football Association tir K. Neibou Sekhose-i, "asaya nung oshi mangatettep kecha mali. Ajaki oshi ka dang jembir aser ajaka atema ozüng ka dang lir," ta ashi.

Paisa, football asaya yagi teamwork, tongtepratep, lenisüba, mapang amshiba aser libaliro aziokba amala taküm nung tongtiban les-son tem sayur, koba ground telung aser tema naprongla nung takok asoshi tongtiban lir, ta ashi.

Maneni Sekhose-i, MPL aser züngsemtem dang tarutsü atema nükjidong tejangja ayutsü aser lokti nem

shilem agidaktsütsü aser terenlok dak rangloker inyaksü ajungshi.

Paisa, iba asayamung küm 10 tashi takok ngua ayongzüka asayaba atema tenügsang agütsüba den, asayamung ayongertem, team tem aser team balala pusemertem nem iba asayamung takok asoshi tenügsang agüja liasü.

Iba sentong nung Commandant 13th Assam Rifles Col. Tarun Rana aser Femina Miss India Nagaland 2023 Ezhoutou Keyho natia shilem agia liasü.

Tejaoker asem den title sponsor LirunaS proprietor Asangla Imsong nungeri takokertem nem sempet agüja liasü.

Asayamung shibangba sentong ya Mele Pucho lenisüba nung agi aser Rengm Baptist Church Kohima Associate Pastor Ahyulo Kemp-i sarasademer tenzüka liasü.

Dr. T. Ao Trophy atema partnership asoshi jaoker

Dimapur, Chiteni/July 17 (TYO): 24buba Dr. T. Ao Trophy - Inter-District Football Championship koba August 1 nungi 15 tashi Indira Gandhi Stadium, Kohima nung asayatsü lir iba atema asayamung ayongba Committee-i, partnership aser longjemer inyaksü asoshi institution aser business establishment tem jaokogo.

Iba asayamung nung Nagaland kübok district 17 prongla nungi team temi shilem agitsü aser iba ya state nung asayamung tulutiba rongnung ka lir.

Iba dak sendakba nung asayamung ayongba committee-i, iba asayamung takok ngua asayatsü atema parnok den longjemer inyaksü asoshi institution aser business establishment tem jaokogo.

Osang tejangjaba agitsü atema item number; 84148 26072 / 9485210300 nung tongteprateptsü mepeshia metetdaksüogo.

West Indies nunger asayar Russell asaya nungi anisüngzüksü

Chiteni/July 17, 2025 (Agencies): West Indies all-rounder Andre Russell, Australia den T20 asaya ana asayatsü aliba asayaba sülen international cricket asaya nungi anisüngzüksü.

Pa tatembangsa Sabina Park, Jamaica nung pa indang home ground nung asayatsü.

Russell West Indies team nungi Test ka, ODI 56 aser T20 84 nung asayaogo aser iba mapang 2012 aser 2016 küm T20 World Cup kokogo.

Pai ajak senteper run 2114 yanglu aser wicket 132 agia liasü. Paisa four 157 aser six 147 züka lir.

Arishi küm 37 tain asayar ya 2019 küm nungi 20-over format nung dang asaya arudar aser 2026 World Cup atongtsü küm ka majung dang lia asaya nungi anisüngzüker.

Cricket West Indies-i ashiba agi, Russel ya tatembangbuba asaya ana atema pai junga asayaba ajanga shima liasü.

"West Indies tenüng nungi asayatsüji kü taküm nung takoktem rongnung ajak dang tongtiban tibia lir," ta Russell-i ashi.

"Ni tanur asü dang ni iba jenjang tonga atutsü ta mimlai liasü, saka asaya koda taliba asayar aser koda asaya tali meima akümer iba mapang nai kechi ajangzüktettsü aji jangjar," ta paisa shisem.

Nicholas Pooran-i June ita asaya nungi anisüngzüksü atema telemtetba agiba sülen tang West Indies nunger asayar tejentem rongnungi Russell-ia asaya nungi anentsü telemtetba agiogo.

Pa alima ajunga nung T20 asayamungtem nung asaya senzüba asayar ka aser tang tashi nung pai asaya 561 nung asayaogo.

Sabina Park nung July 20 aser 22 nü asaya ana asayaba sülen maneni St Kitts aser Nevis nung asaya asem asayatsü. Tatembangbuba asaya ya July 28 nü asayatsü.

KHRISTAN OSANG : Tapak 5 nungi...

SC-i UP sorkar dang anti conversion..

Ajisüaka temepishiba ken o agütsürtem tenüng nung ken o jembitsür counsel-i, "Iba temepishiba ken o yabo 2024 küm yanglushiba ozüng anema dang lir," ta jangjashitsü.

Gaza nung aliba Tenla kidang nisung ana pokset aser putir yiru

July 17, 2025: Gaza Strip nung tang Catholic Arogo Tenla ki ka dang lir, aser Israel sepaitemi anünglen nungi iba Tenla ki amakdang Khristan ana asü aser putir densema aika yiruogo, ta Brihostibar Latin Patriarchate of Jerusalem-i metetdaksü.

Latin Patriarchate of Jerusalem-i sangdong ka ajanga, "Tanep Israel nunger sepaitemi anünglen nungi Holy Family Compound amakdang nisung ana asü aser aika yiruogo," ta metetdaksü.

Argentina nunger putir, Gabriel Romanelli-i, iba tatalokba nung pa tetsüng tera yiruogo, ta metetdaksü. Gabriel-i mapang shia taoba Pope (asür) Francis nem Gaza tensa osang metetdakja liasü.

Tang tashi nungbo Gaza nung Tenla ki amakba dak

sendakba nung Vatican-i sangdong kecha memetetdaksü.

Ano külen Israel Defense Forces (IDF)-ia, Gaza yimti nung aliba Tenla ki raksaba osangji parnokia angazükogo, aser parnoki iba tatalokba bushisüngdangdar, ta shiogo.

IDF-isa, "Civilians meyrutsütsü aser tekülem kitem densema civilian kiojen meraksatsütsüsa IDF sepaitemi inyaker, aser teraksatsüba lira sasa bilemetsür," ta metetdaksü.

Iba tatalokba atema Israel aija Italy Ato kilonser, Giorgia Meloni-i, "Tesüiba ita aika Israel-i civilian amakba ya magizüktettsüla. Sepaitemi yamai inyakba ya kecha agia medentsütsü makok," ta metetdaksü.

Israel sepaitem aser Hamas telok na rara tenzüka mapang nungi aser Holy Family Church nung Khristantem dang masü saka tanga yimsü amangertema aika jenokdakja aruogo. Latin Patriarchate of Jerusalem-i Gaza nung yimjung atema sarasademjang, ta ayongzüker.

Aryna Canadian Open masayatsü

Chiteni/July 17, 2025 (Agencies): Tetsür tennis asayartem rongnung World No. 1 Aryna Sabalenka-i Canada nung WTA event nung shilem magitsü atema telemtetba agiba Brehostibarnü metetdaksüogo. Lai ashiba agi la kanga belematokba ajanga iba telemtetba agi.

Arishi küm 27 tain asayar ya Wimbledon tetsür kija asaya semifinal nung Amanda Anisimova-i tsükdaksü, shiba final nung Iga Swiatek-i tsükdakja liasü.

"Ni North America nung hard-court asayamungtem nung asayatsü yongyaseta liasü, saka taküm takok tajung angutsü atema renama alitsü asoshi Montreal nung asayamung nung shilem magitsü telemtetba agiogo," ta Belarus tsürla yagi ashi.

"Ni Canada nung kü fan tem menungratsü, saka taruba küm ajuruteptsü yongyaseta

atar," ta laisa shisem.

"Nenoki angatetba aser nongita yariba atema pelar, koba ni atema kanga tongtiban lir," ta Grand Slam asem koker alila yagi ashi.

Canada Open asayamung director, Valerie Tetreault-i, la masayatetba atema tezüdanga bilemba lemsatepa liasü.

"Taküm Aryna masayatetba atema onok tezü adanger," ta Tetreault-i ashi.

Kasa mapang nung Spain tsür Paula Badosa-a iba asayamung nung shilem magitsü telemtetba agiogo, kechiyong la yiruba ajanga masayatettsüsa kümogo.

Montreal nung iba asayamung ya Canada tsür Eugenie Bouchard atema tatembangbuba asayamung asütsü, kechiyong arishi küm 31 tain asayar yagi iba asayamung sülen asaya nungi anisüngzüksü telemtetba agiogo.